



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
LOKALNI EKONOMSKI FORUM OPĆINE ŽEPČE**

Broj: L03-04/14

Datum : 24.04.2014.

ZAPISNIK

Sa drugog sastanka Lokalnog ekonomskog foruma općine Žepče

Sastanak je održan u utorak, 22.04.2014. u Sali OV sa početkom u 13:30 h.

Sastanku su prisustvovali : općinski načelnik Mato Zovko, predsjedavajući OV Muhamed Jusufović, pomoćnik načelnika za gospodarstvo i financije i predsjednik LEF-a Namik Malićbegović, direktorica Razvojne agencije Branka Janko, pomoćnica načelnika za graditeljstvo i prostorno uređenje Brigita Lovrić, direktor SMŠ „Žepče“ Zijah Malićbegović, Frano Juranović umjesto ravnatelja KŠC „Don Bosco“ Josipa Krpića, direktor JP „Komunalno“ Mirko Šumić, Emir Tutnjić umjesto Mirzeta Krehmića – OZZ „Žepački rolend“, Ašir Mehić „Prograd“, Danijela Mandura „Titanic“, Valentina Trogrlić, podpredsjednica LEF-a i predstavnica preduzeća „Jelinak“, Dragan Babić „Makro-drvo“, Andrej Kajić „Cartrim“, Josip Jukić „California“, Mustafa Dervišević- općina Žepče, Ahmed Efendić-općina Žepče, Berina Grahić-RAŽ. Sastanku nije prisostvovao Edin Čaušević „Frigošped“

Gosti : Mirjana Stanković i Bojan Vojvodić – GIZ.

Pošto je zaključeno da postoji kvorum za rad, jednoglasno je usvojen slijedeći dnevni red :

1. Usvajanje zapisnika sa prve sjednice LEF-a;
2. Usvajanje Poslovnika o radu sa predloženim izmjenama;
3. Informacija o provođenju odluke o građevinskom zemljištu – podnositelj Služba za graditeljstvo i prostorno uređenje;
4. Informacija o utrošku sredstava po osnovu komunalnih naknada zajedničke potrošnje zaključno sa 31.12.2013. godine- podnositelj Služba za gospodarstvo i financije;
5. Informacija o rezultatima provedenog Programa podrške pokretanja obrta u 2013. godini - podnositelj Služba za gospodarstvo i financije;
6. Informacija o broju učenika u KŠC „Don Bosco“-podnositelj ravnatelj KŠC „Don Bosco“;
7. Informacija o broju učenika u SMŠ „Žepče“-podnositelj direktor SMŠ Zijah Malićbegović;
8. Informacija - zaključci sa održanih sastanaka privatnog sektora-podnositelji članovi LEF-a iz privatnog sektora;
9. Informacija o rezultatima pokrenute inicijative „Bositex“ d.o.o – podnositelj RAŽ;
10. Podnošenje novih inicijativa od strane javnog i privatnog sektora;
11. Razno



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
LOKALNI EKONOMSKI FORUM OPĆINE ŽEPČE**

U uvodnom izlaganju, općinski načelnik Mato Zovko i predsjednik LEF-a Namik Malićbegović otvorili su sjednicu i pozdravili sve prisutne.

Ad1

Usvajanje zapisnika sa prve sjednice LEF-a

Predsjednik LEF-a, Namik Malićbegović ponudio je prvu tačku dnevnog reda-ustvajanje zapisnika sa prve sjednice LEF-a, na razmatranje. Obzirom da prigovora nije bilo, zapisnik je jednoglasno usvojen.

Ad2

Usvajanje Poslovnika o radu LEF-a sa predloženim izmjenama

Berina Grahić, ispred RAŽ-a, ukratko je predstavila izmjene Poslovnika o radu LEF-a, koje su predložene na prvoj sjednici LEF-a. Obzirom da nije bilo nikakvih dopuna, Poslovnik je jednoglasno usvojen.

Ad3

Informacija o sprovođenju odluke o građevinskom zemljištu - podnositelj Služba za graditeljstvo i prostorno uređenje

Brigita Lovrić, pomoćnica načelnika za graditeljstvo i prostorno uređenje, predstavila je odluku o građevinskom zemljištu te ukratko upoznala prisutne na koji način se koristi ta naknada.

Nakon izlaganja otvorena je diskusija o navedenoj informaciji. Lovrić je pojasnila na koji se način formira cijena za korištenje građevinskog zemljišta. Ove godine predložena cijena bila je 650 KM koju je općina smanjila na iznos od 600 KM.

Ad4

Informacija o utrošku sredstava po osnovu komunalnih naknada zajedničke potrošnje zaključno sa 31.12.2013. godine- podnositelj Služba za gospodarstvo i financije;

Namik Malićbegović je predstavio i obrazložio Informaciju nakon čega je otvorio diskusiju na ovu temu. Malićbegović je dodao da je komunalna naknada novost te da obaveza plaćanja iste proizlazi iz kantonalnog Zakona o komunalnim naknadama. Također je obrazložio da se sredstva prikupljena od komunalnih naknada zajedničke potrošnje koriste prema članu 2. i 3. Odluke o komunalnim djelatnostima zajedničke komunalne potrošnje. Dragan Babić je konstatovao da je Informacija nepotpuna te da spisak dužnika ništa ne znači ukoliko se ne zna koliko pojedina preduzeća imaju obaveza po osnovu komunalnih naknada.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
LOKALNI EKONOMSKI FORUM OPĆINE ŽEPČE**

Ferid Ajan se složio sa tom tvrdnjom i dodao da je privatni sektor tražio informaciju o tome koji iznos koja firma treba da plati.

Obzirom na neslaganje u vezi potpunosti podnesene informacije, zaključeno je da se za sljedeću sjednicu LEF-a pripremi detaljan spisak platiša i neplatiša jer veći značaj treba dati urednim platišama.

Ašir Mehić je konstatovao da se za sljedeću sjednicu navedena informacija treba dopuniti sa informacijom na koji način i po kojem osnovu se utvrđuje iznos komunalne naknade.

Namik Malićbegović je prisutnima obećao da će im se dostaviti sve tražene informacije kao i Odluka o obračunavanju iznosa komunalne naknade.

Mirjana Stanković je predložila da se navedena Odluka postavi na web stranicu Općine.

Namik Malićbegović je, u smislu obračunavanja iznosa komunalne naknade, dodao da se iznosi utvrđuju na osnovu podataka Službe za graditeljstvo te da su Odlukom razdvojeni proizvodni od neproizvodnih dijelova zemljišta.

Brigita Lovrić je dodala da su navedeni podaci uzeti iz katastra ali i utvrđeni na terenu.

Mirjana Stanković je dodala da je važna transparentnost Odluke o komunalnim naknadama obzirom da preduzeća koja tek treba da se registriraju trebaju imati informaciju o obavezama koje imaju nakon registracije preduzeća.

Općinski načelnik, Mato Zovko, uključio se u diskusiju i prisutnima pojasnio da se komunalna naknada na općini Žepče plaća na po osnovu obaveze koja proizlazi iz kantonalnog Zakona o komunalnim naknadama te da neke općine još uvijek postupaju po starim zakonima.

Ad5

Informacija o rezultatima programa podrške pokretanju obrta u 2013. godini – podnositelj Služba za gospodarstvo i financije

Namik Malićbegović je informisao prisutne o Javnom pozivu koji je objavljen 31.05.2013. godine po prvi put u tom obliku za općinu Žepče. Poziv je trajao 5 dana. Iznos predviđen za ovaj vid subvencioniranja nezaposlenih osoba iznosio je 3.000 KM. Uprkos transparentnosti poziva i objave na lokalnim medijima, broj prijavljenih osoba je bio mali.

Nakon što se informacija predstavila, otvorena je diskusija.

Emir Tutnjić – OZZ „Žepački rolend“ istakao je da je poziv bio ograničen za ljude do 35 godina što je možda i razlog malog broja prijavljenih kandidata. Namik Malićbegović je obrazložio taj uvjet potrebom da se zapošljavaju mladi ljudi.

Ašir Mehić je postavio pitanje o trenutnom statusu osoba čiji je obrt sufinanciran na čega je Namik Malićbegović odgovorio da sufinancirane osobe redovno dostavljaju dokaze o utrošenim sredstvima.

Andrej Kajić je predložio da se u budućnosti, prilikom objave javnog poziva, u aplikacijski obrazac doda još jedna kolona „vrsta djelatnosti“ zbog praćenja trenda pokrenutih djelatnosti.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE**

LOKALNI EKONOMSKI FORUM OPĆINE ŽEPČE

Kajić je također dodao da je poziv neadekvatan i ta je trebalo u obzir uzeti i socijalno-ekonomski kriterij obzirom da je iznos koji se dodjeljuje nije dovoljan za pokretanje biznisa jer troškovi za doprinose za godinu dana premašuju dodijeljeni iznos.

Ad6

Informacija o broju učenika u KŠC „Don Bosco“ – podnositelj ravnatelj KŠC „Don Bosco“

Informaciju je podnio Frano Juranović, zamjenik ravnatelja KŠC-a, Don Josipa Krpića. Pored informacije o broju učenika i trenutno zastupljenim profilima, Juranović se dotakao i Zakona o neformalnom obrazovanju. Juranović je predložio da općina Žepče zauzme jasan stav o neformalnom obrazovanju kada navedeni Zakon stupi na snagu.

Ad7

Informacija o broju učenika u SMŠ „Žepče“ – podnositelj direktor SMŠ „Žepče“

Zijah Malićbegović je prisutne kratko upoznao sa brojem i profilima učenika u Srednjoj mješovitoj školi „Žepče“ te istakao trend smanjenja broja upisane djece iz godine u godinu. Malićbegović je također napomenuo da je nastavni plan po kome ova škola radi, nastavni plan iz 1996/97 godine.

Ad8

Informacija o - zaključci sa održanih sastanaka privatnog sektora-podnositelji članovi LEF-a iz privatnog sektora – podnositelj Valentina Trogrlić

Valentina Trogrlić je prisutnim članovima LEF-a predstavila prijedloge i zaključke do kojih se došlo na sektorskim sastancima. Trogrlić je također istakla zajedničke zaključke privatnog sektora koji se odnose na komunalne naknade.

Namik Malićbegović je, otvorivši diskusiju, konstatovao da je jedan dio inicijativa već obrazložen te da će sve inicijative LEF-a biti iznesene na javnu raspravu pred Općinsko vijeće prilikom usvajanja budžeta za narednu godinu.

Mirjana Stanković je ukratko objasnila postupanje po inicijativama LEF-a.

Stanković je, između ostalog, istakla da sve inicijative ne mogu biti prihvaćene ali da će sve biti razmotrene ukoliko za to ima osnova te da će LEF biti informisan ukoliko ne postoji mogućnost da se neka inicijativa relizuje.

Ad9

Informacija o rezultatima pokrenute inicijative „Bositex“ d.o.o – podnositelj RAŽ;



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
LOKALNI EKONOMSKI FORUM OPĆINE ŽEPČE**

Branka Janko, direktorica RAŽ-a, predstavila je aktivnosti Razvojne agencije na realizaciji inicijative „Bositex“ koja je pokrenuta na prvoj sjednici LEF-a. Aktivnosti su se odnosile na organiziranje sastanaka sa tekstilnim preduzećima u cilju identifikacije problema kvalificirane radne snage u sektoru tekstila na koju se odnosi inicijativa „Bositex“. Također su održani sastanci sa direktorom SMS „Žepče“ i profesorima praktične nastave te anketirani učenici srednje tekstilne škole „Žepče“. Na taj način se problem sagledao sa više aspekata a LEF-u je predloženo slijedeće:

- Da se postigne sporazum škola - tekstilno preduzeće koji bi se primjenjivao u narednoj školskoj godini;
- Da škola napravi plan nabavke repromaterijala za praktičnu nastavu na osnovu kojeg bi se eventualno osigurala dodatna novčana podrška;
- Uspostaviti saradnju sa tekstilnim firmama koje bi pomogle školi sa materijalima za praktičnu nastavu a sve u cilju bolje obuke učenika i veće šanse za njihovo zaposlenje;
- Hitno riješiti problem zemljišta za radionicu;
- Uvrstiti izgradnju radionice u plan kapitalnih ulaganja Općine Žepče

Kroz diskusiju na ovu temu predloženo je da se prilikom sačinjavanja plana upisa učenika konzultuje privatni sektor.

Zijah Malićbegović je istakao da će se potpisivati periodični ugovori sa tekstilnim preduzećima koji bi regulirali praktičnu nastavu u preduzećima, da bi se učenici što kvalitetnije obučili za rad.

Namik Malićbegović je kao predsjednik LEF-a, konstatovao da će se ova inicijativa podržati i da će se na njoj raditi i dalje. Inicijativa će se proslijediti Službi za društvene djelatnosti i aktualizirati na sjednici OV Žepče. Svi članovi LEF-a će imati popunu informaciju o rezultatima inicijative.

Ad10

Podnošenje novih inicijativa od strane javnog i privatnog sektora

Valentina Trogrlić, predstavila je inicijative privatnog sektora za koje su se predstavnici privatnog sektora složili da su prioritet. Na sektorskim sastancima privatnog sektora formulisano je 28 inicijativa od kojih je privatni sektor izabrao 7 i to :

1. Smanjenje svih komunalnih naknada (komunalna taksa, KGZ, UGZ) za 30% za sve privredne subjekte u općini Žepče, uključujući i naknade za vatrogasce.
2. Smanjenje troškova za grijanje i vodu za poduzeća koji su previsoki i otežavaju poslovanje. Komunalno poduzeće mora pronaći mehanizme mjerenja stvarne potrošnje grijanja i vode i o istom obavijesti poduzeća,
3. Jedinstvene komisije za odabir prijevoznika za organizirani prijevoz učenika na nivou Općine Žepče u čijem sastavu će biti osobe slijedeće struke: pravnik, osoba za javne nabavke, prometni inženjer kako bi se adekvatno izvršila selekcija i odabir najpovoljnije ponude,



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE**

LOKALNI EKONOMSKI FORUM OPĆINE ŽEPČE

4. Prioritetno rješavanje pitanja javnog natječaja za organizirani prijevoz učenika na način da natječaje raspisuje i provodi Općina Žepče, da se ugovori potpisuju na period od godinu dana i da se ukine potpisivanje aneksa ugovora što je u proturječnosti sa Zakonom o javnim nabavkama,
5. Žurna objava rezultata natječaja za redovne autobusne linije koji je objavljen od strane Općine Žepče 2011. godine,
6. Sektor ugostitelja predlaže da se osnuje Turistički ured u općini Žepče,
7. Sektor ugostitelja predlaže da se na zelenoj tržnici omogući svakodnevna prodaja svježeg voća i povrća što bi omogućilo lokalnim proizvođačima da plasiraju robu, a ugostiteljima mogućnost nabavke sveže robe domaćeg podrijetla

Inicijative su date na diskusiju. Mirjana Stanković je postavila pitanje svim članovima LEF-a u vezi smanjenja komunalne naknade u iznosu od 30%.

Josip Jukić je obrazložio zahtjev za smanjenjem iznosa komunalnih naknade činjenicom da su iste visoke. Namik Malićbegović je predložio da se formira radna grupa za obrazloženje inicijative za smanjenje komunalne naknade koja bi analizirala iznose koji se plaćaju u pojedinim općinama na Ze-Do kantonu. Mirjana Stanković je također predložila formiranje radne grupe koja bi, između ostalog, analizirala uticaj na sve koji će imati smanjenje komunalnih naknada za 30%.

Ašir Mehić se uključio u diskusiju sa stavom da privatni sektor ne treba dodatno obrazlagati svoje inicijative. Smatra da privatnom sektoru trebaju kratkoročne mjere, mjere koje se mogu realizirati do kraja godine. Mehić je također istakao da se ne slaže sa prijedlogom da se formiraju radne grupe zbog toga što bi članovi radnih grupa bili članovi Općinskog vijeća i predstavnici javnog sektora koji ne poznaju problematiku privatnog sektora. Mehić predlaže da se smanjenje komunalnih naknada izvrši po zonama te da slijedeću sjednicu može pripremiti potpisanu inicijativu od strane 20 privrednih subjekata koji posluju na perifernim područjima Općine.

Brigita Lovrić je istakla da se sa ovu inicijativu treba uputiti naredne godine obzirom da su za ovu godinu rješenja su poslana privrednim subjektima te da su neki obveznici već izmirili svoje obaveze.

Ferid Ajan je istakao problem vatrogasne naknade obzirom da za plaćeni novac ne prima nikakve usluge.

Branka Janko je, kroz diskusiju, prisutne podsjetila da je LEF-instrument za razgovor. Janko je istakla da nije dobro da javni i privatni sektor bude podijeljen i da je za svaku odluku potrebno da, prije njenog donošenja, bude razmotrena s obje strane te da je potrebno da radna grupa stručno sagleda efekte koji bi proistekli iz donesenih odluka.

Mirjana Stanković je dodala da je cilj LEF-a da se donesu odluke koje će donijeti korist za sve i da je potrebno vrijeme da bi se one realizirale.

Namik Malićbegović je predložio da se, za početak, radi na inicijativama koje bi se brzo riješile.

Također je predloženo da se za inicijativu smanjenja komunalnih naknada angažuju ljudi iz te oblasti i stručnjak iz GIZ-a.

Muhamed Jusufović, predsjedavajući OV je, uključivši se u diskusiju, istakao da puno očekuje od LEF-a i da nije dobro da se zauzimaju strane. Jusufović smatra da sve inicijative treba pokrenuti ali da se mora ispoštovati određena procedura. Ishod pokrenutih inicijativa svakako ovisi i od zakonskih regulativa. Također je istakao da je potrebno formirati radne grupe, odrediti rokove, pripremiti odgovore i informacije u vezi inicijativa te da će OV podržati svaku inicijativu koja je u interesu svih.

Jusufović je predložio u sastavu radne grupe budu dva člana iz javnog i dva člana iz privatnog sektora. Valentina Trogrlić je, za radnu grupu inicijative za smanjenje komunalnih naknada predložila Ašira Mehića što je Mehić odbio.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
LOKALNI EKONOMSKI FORUM OPĆINE ŽEPČE**

Mirko Šumić, direktor JP "Komunalno" predložio je da se u cilju smanjenja cijene potrošnje grijanja može izvršiti preraspodjela unutar korisnika a što se tiče mjerenja potrošnje, svaki korisnik može da samostalno ugradi vlastiti mjerač potrošnje.

Valentina Trogrlić je predložila da se formira radna grupa za analiziranje inicijative 3 i 4 u sastavu : dva člana iz privatnog sektora – prijevoznici, Služba za društvene djelatnosti.

Zaključci:

1. Kod usvajanja cijene koštanja izgradnje m^2 korisne površine objekta, LEF će dati svoje prijedloge i mišljenja prije nego prijedlog ode na razmatranje Općinskom Vijeću Žepče;
2. Dopuniti informaciju o komunalnim naknadama sa : podacima o platišama komunalnih naknada, sa informacijom o svim izdatim rješenjima za komunalnu naknadu zajedničke potrošnje, dostaviti Odluku Općinskog vijeća o komunalnim naknadama zajedničke potrošnje sa prilogom-građevinske zone i cijena boda.
3. Objaviti prečišćen tekst Odluke o komunalnim naknadama na službenoj web stranici općine Žepče, u cilju informiranja javnosti o istoj;
4. Dostaviti Inicijativu "Bositex" Službi za društvene djelatnosti općine Žepče, kao i ostalim akterima kako bi se zaključci iz Inicijative proveli prema preporukama LEF-a;
5. Prvu i drugu inicijativu privatnog sektora (inicijative vezane za smanjenje komunalnih naknada i smanjenje troškova grijanja i vode) će obraditi općinske službe i pripremiti informaciju za narednu sjednicu LEF-a;
6. Formirati radnu grupu za rješavanje 3. i 4. inicijative koje je podnio privatni sektor (Jedinstvene komisije za odabir prijevoznika za organizirani prijevoz učenika i prioritarno rješavanje pitanja javnog natječaja za organizirani prijevoz učenika). Radnu grupu činit će dva člana privatnog sektora, 1 član javnog sektora i predstavnik Službe za društvene djelatnosti općine Žepče;
7. Općinske službe i RAŽ će za petu, šestu i sedmu inicijativu privatnog sektora (općinski redovi vožnje, gradska tržnica, osnivanje turističkog ureda Žepče) pripremiti informaciju i dostaviti svim članovima LEF-a u roku od 7 dana od dana održavanja druge sjednice LEF-a.

Sjednica je završena u 17:00 h.

Zapisnik sastavila
Berina Grahić

Predsjednik LEF-a
Namik Malićbegović